


**Ka Mopresidente
Henry B. Eyring**
Mogakolodi wa Ntsha mo
Bopresidenteng jwa Ntsha



Ke Ka Boipelo Jo Bo Golo Jang Jo Letlaa Nnang Najo

Maipelo a le mmalwa mo botshelong a monate thata mme a tsaya sebaka go feta go itse gore o thusitse ba bangwe go tsaya puseletso ya efangele ya ga Jeso Keresete mo dipelong tsa bone. Go nna le boipelo joo ke tshono ya leloko lengwe le lengwe la Kereke. Fa re ne re kolobediwa, re dirile tsholofetso ya gore “ema lo le basupi ba Modimo ka dinako tsotlhe le mo dilong tsotlhe, le mo mafelong otlhe a lo ka bong [lo] le mo go one, le go fithelela loso, gore [re] tle re rekololwe ke Modimo, mme [re] balwe le bao ba tsogo ya ntsha, gore [re] tle re nne le botshelo jo bosa-khutleng” (Mosiah 18:9).

Maloko o tthe a amogela karolo nngwe ya kgwethlo eo e filweng Kereke go tsaya efangele ya ga Jeso Keresete go e isa lefatsheng, gongwe le gongwe gape ka sebaka seo ba se tshelang. Morena o ne a bua se sentle: “Bonang, Ke lo rometse kwa ntle go fa bosupi le go tlhagisa batho, mme go a tlamega gore motho mongwe le mongwe yo o tlhagisitsweng a tlhagise moagisanyinae” (D&C 88:81). Baanamisa tumelo ba nako tsotlhe ba tshwanetse go nna le maatla a go ruta bao ba ba iseng

ba nne maloko a Kereke. Maloko a Kereke a tshwanetse go nna le thata ya go bona bao Morena a ba baakanyeditseng gore baanamisa lefoko ba ba rute.

Re tshwanetse gore re katise tumelo ya rona ya gore Morena o baakantse batho ga reng ga rona gore ba rutwe. O itse gore ke bo mang le gore ba ipaakantse leng, mme A ka ba re kaela ka maatla a Moya o o Boitshepo mme a re fe mafoko go ba laletsa gore ba rutiwe. Tsholofetso eo Morena a e fileng moanamisa tumelo ka 1832 ke gape tsholofetso eo A re e fang mo taetsong ya go batla batho ba ba ipaakantseng go rutwa ke baanamisa tumelo: “Ke tlaa mo romelela Mogomotsi, yo a tlaa mo rutang boammaaruri le tsela eo a tshwanelwang ke go e tsaya; mme mo go feteng mo a leng boikanyego, Ke tlaa mo rwea korone gape ka ngata” (D&C 79:2–3).

Mme tsholofetso ya boipelo jo bogolo go baanamisa tumelo ba boikanyego ke jone gape jwa rona re le maloko a boikanyego bao ba fang dipelo tsa rona go tiro ya kanamiso tumelo:

“Mme jaanong, fa boipelo jwa gago bo ka nna bogolo ka motho a le mongwe yo o motlisitseng go nna

mo bogosing jwa ga Rara, ke ka boipelo jo bo golo jang jo le tlaa nnang najo fa o ka tlisa batho bale bantsi go nna!

“Bonang, lo na le efangele yame fa pele ga lona, le letlapa lame, le pholoso yame.

“Botsa Rara ka leina lame, ka tumelo lo dumela gore lotlaa fiwa, mme lotlaa nna le Moya o o Boitshepo, yo a bonegisang dilo tsotlhe tseo di thokegang thata mo baneng ba motho” (D&C 18:16–18).

Mogodimo ga Moya o o Boitshepo gore thusa go lemoga le go laetsa bao ba ipaakantseng go rutwa, Morena o biditse gape a rutintsha baeteledipele gore kaela. Mo lekwalong leo le neng le kwadilwe Tlhakole 28, 2002, Bopresidente jwa Ntlha bone jwa baya mai-karabelo a mantsi mo tirelong ya kanamiso tumelo go bobishopo le diwate.¹ Ka thuso ya wate kana khansele ya lekalana, komiti e kgolo ya boperesiti e tlhabolola polane ya boanamisa tumelo jwa lekala. Mo polaneng eo gona le dikgakololo mogo se maloko a ka fitlhelang bao ba ba ipaakanyeditse go rutwa ke baanamisa tumelo. Go na le motho yo a bitswang ele wate kana moeteledipele wa lekalana la mmishene. Moeteledipele wa mmishene yo o na le kgolaganyo e e gaufi le baanamisa tumelo ba nako tsotlhe le ba tlhotlhomisi ba bone.

Go na le ditsela dile dintsi tseo o ka kgonang go kopana le maitlamo a gago a bonosi ka go thusa go bona batho gore baanamisi ba tumelo ba ba rute. Tsela eo e motlhofo ke yone e e gaisang.

Rapela gore o kaelwe ke Moya o o Boitshepo. Bua le baeteledipele le baanamisa tumelo, botsa dikgakololo tsa bone le go ba solofetsa thuso ya gago. Rotloetsa bao ba ba amanang mo tirong e le wena. Mme o nne mosupi ka nako tsotlhe mo go se o se buang mme o dire gore Jeso ke Keresete le gore Modimo o araba dithapelo.

Ke fa bosupi gore Moya o o Boitshepo o tlaa go kaela go bao ba ba batlang boammaaruri jaaka fa o rapela gape o berekela kaelo eo. Mme Ke a itse ka maitemogelo gore boipelo jwa gago bo tlaa tsaya sebaka le bao ba ba itlhophetseng go tsaya efangele mo dipelong tsa bone mme ba itshoke ka tumelo.

NTLHA

1. Bona “News of the Church: Ward and Branch Missionary Work Emphasized,” *Liahona*, Aug. 2002, 4.

GO RUTA GO TSWA MOLAETSENG O

- *Teaching, No Greater Call* e re fa taolo ya go rotloetsa bao re ba rutang go ipha mekgele go ba thusa go tshela melawana eo ba e ithutileng (bona tsebe 159). Ka lelwapa, akanyetsa go supa masego a tirelo ya boanamisa tumelo jaaka go builwe ke Mopresidente Eyring gape, fa o gwetlhega, laetsa lelwapa go ipha mekgele ya go abelana efangele.
- Akanya go ntsha dikakanyo le lelwapa ka ditsela tsa go abelana efangele, o gakologelwa kgakololo ya Mopresidente Eyring ya “tsela eo e motlhofo ke yone e e gaisang.” Go ithuta thata ka go ntsha dikakanyo, bona *Teaching, No Greater Call*, tsebe 160.

BONANA

Baanamisa tumelo ba Bantsi mo Botshelong jwa Me

Ka Elizabeth S. Stiles

Letsatsi la ntlha la Tshipi ke tsenelela Kereke le baanamisa tumelo, Ke ne ka lemoga batho bao Ke godileng le bone ke ba itse gotsweng mo motseng. Ke ne ka bona mongwe wa ditsala tsame tse di gaisang gotsweng sekolong, se se potlana le sekolo se segolwane sa bokwaledi, mosetsanyana yo ke neng ke sa mo tsaya sentle mo malobeng, le tota lekolwane leo gangwe ke kileng ka le eletsa.

Mongwe le mongwe wa batho ba o ne a nnile le kamano e e sa feleng go nna. Tsala yame eo e gaisang e ne ele mosetsanyana wa thokgamo e kgolo, mme ka go bo ene Ke ne ka itlhophela go tswela go tlhotlhomisa Kereke. Bakwaledi bao ba neng ba nkgakologelwa go tsweng sekolong bane ba nthusa gore ke itse fa ke le botlhokwa. Ke ne ka ithuta ka lorato lwa Modimo le la Morena go tsweng mo mosetsanyaneng yo a nkatlileng le ntswa maitsholo a me mo go ene a ne a le kwa tlase pele. Dikeletso tsame tsa pele mo monaneng di ne tsa baya sekai se se siameng, Ke ne ka lemoga lesedi la gagwe mme ke ne ke batla gonna gaufi le ene.

Maitemogelo a a ne a nthusa gore, le tota pele ga bonalesego yame go baanamisa tumelo, Rraetsho yo o kwa Legodimong o ne a mpaakanyeditse go amogela efangele ka batho bao a ba beileng gareng game. Go

tsweng go bone kene ka ithusa gore dilo tse dinnye tse re di dirang di ka nna le maduo a matona. Se se botlho-kwa le go feta, Ke ne ka ithuta gore tiro ya kanamiso tumelo e simolola ka nna.

BANA

Efangele-Mpho ya go Abelanwa

Lefoko *efangele* le raya dithuto tsotlhe le ditlhomo tseo re di filweng ke Jeso Keresete le ba porofiti ba Gagwe. Efangele e tshwana le tlatlana e e tladitsweng dimpho gotsweng go Rraetsho yo o kwa Legodimong. O ka thusa go fa dimpho tse go batho ba bangwe. Ke ka mang yo eleng gore o ka abelana dimpho tsa efangele?

Bala nngwe le nngwe ya temana ya lefoko la tumelo mme o fe palo kgotsa ditshwantsho tsa dinngwe tsa dimpho tseo di balelwang mo efangeleng.

1. James 5:14-15
2. Mosiah 16:6-7
3. 3 Nephi 18:1-12
4. D&C 20:71-73
5. D&C 33:17-18
6. D&C 59:16-21
7. D&C 132:5
8. D&D 110:7-10
9. D&C 138:1-11

© 2011 ka Kutlwisiso e e Beilweng, Inc. Tetla tsotlhe di beilwe. E gatisitswe mo USA Tetla ya Sekgoa: 6/10. Tetla ya Thanolo: 6/10. Tlhanolo ya *First Presidency Message, February 2011*. Tswana. 09762 763



Tumelo • Lelwapa • Thuso

Puseletso ya Dilo Tsoatlhe

Bala sedirisiwa se, fa go tlhokega, buisanya le bakaulengwe bao ba etelang. Dirisa dipotso go thusa gore o thatafatse bakaulengwe mme o dire Mokgatlho wa Thuso gore e nne ntlha mngwe ya botshelo jwa gago e e tlhaga.

Moporofeti Joseph Smith o ne a rulaganya Mokgatlho wa Thuso ele karolo ya bothokwa ya Kereke. Re le bopresidente, re solofela fa re ka le thusa gore lo tlhologanye gore ke ka goreng Mokgatlho wa Thuso o le bothokwa mo matselong a lona.

Re itse fa basadi ba Kgolagano e Ntsha bane ba supa tumelo mogo Jeso Keresete mma ba tsaya karolo mo tirong ya Gagwe. Luke 10:39 o bolela ka Marea, yo a “nnileng fa dinaong tsa ga Jeso’ mme a utlwa lefoko la gagwe.” Ka John 11:27 Martha o fa bopaki ka ga Keresete: “O ne are go ene, Ea, Morena: Ke dumela gore ke wena Keresete, Morwa Modimo, yo a tshwanetseng go tla mo lefatsheng.” Acts 9:36, 39 e bua ka “morutwana mongwe a bidiwa Tabitha, . . . a tletse ka ditiro tsa tshiamo. . . . Mme batlholagadi ba ne ba ema . . . ba supa dibaki le diaparo tseo [a] di dirileng.” Phebe, moRomans 16:1-2, e ne ele “motlhanka wa kereke” gape “a tlamela ba bantsi.”

Dikaelo tse tsa tumelo, bosupi, le tirelo di tswelela mo malatsing a bofelo ya Kereke mme di nnisitswe semmuso ke go rulaganngwa ga Mokgatlho wa Thuso. Julie B. Beck, mopresidente wa kakaretso wa

Mokgatlho wa Thuso, o ne a ruta: “Fela jaaka Mmoloki a ne a laletsa Marea le Martha ka dinako tsa Kgolagano e Ntsha go tsaya karolo mo tirong ya Gagwe, basadi ba metlha eno bana le tetla ya semmuso go tsaya karolo mo tirong ya Morena. . . . Thulaganyo ya Mokgatlho wa Thuso ka 1842 e ne ya simolodisa maatla a a kopaneng a sesadi le neelo ya bone e e kgethegileng go aga bogosi jwa Morena.”¹

Re diragatsa tiro ya rona jaaka fa re itebaganya le maikaelelo a Mokgatlho wa Thuso: go oketsa tumelo le bosiami jwa rona, re thatafatsa malwapa le magae a rona, le go batla le go thusa bao ba ba tlhokang.

Ke netefatsa gore Mokgatlho wa Thuso o rulagantswe ka selegodimo go thusa mo tirong ya pholoso. Mongwe le mongwe wa bakaulengwe ba Mokgatlho wa Thuso ba na le karolo ya bothokwa e ba tshwanetseng go e diragatsa motirong e boitshepo e.

Silvia H. Allred, mokhanselara wa ntlha mo bopresidente-kakaretso jwa Mokgatlho wa Thuso.

Go tsweng mo Mafokong a tumelo

Joel 2:28-29; Luke 10:38-42; Ephesians 1:10

Go tsweng mo Ditsong tsa Rona

Mokaulengwe Julie B. Beck o ne a ruta gore “re itse ka Moporofeti Joseph Smith gore Mokgatlho wa Thuso e ne ele karolo ya semmuso ya Puseletso.”² Tsamaiso ya puseletso e ne ya simolola ka Pono ya Ntlha ka 1820 mme ya tswelela “tsela mo tseleng, melawana mo melawaneng” (D&C 98:12). E rile Mokgatlho wa Thuso o sena go rulaganngwa semmuso ka Mopitlo 17, 1842, Moporofeti o ne a ruta basadi kaga lefelo la bothokwa mo puseletsong ya Kereke.³

DINTLHA

1. Julie B. Beck, “Fulfilling the Purpose of Relief Society,” *Liahona*, Nov. 2008, 108.
2. Julie B. Beck, “Fulfilling the Purpose of Relief Society,” 108.
3. *Teachings of Presidents of the Church: Joseph Smith* (2007), 369.

Ke ka dirang?

1. Ke ka afa thuso efe go bakaulengwe kgwedding e eo e leng sekai sa tumelo ya sesadi sa borutwana jwa ga Jeso Keresete?
2. Ke dithuto dife tsa efangele ya puseletso tse ke tlaa di ithutang go thatafatsa bosupi jwa me kgwedi e?

Fa o batla kitso e e tseneletseng, ya ko www.reliefsociety.lds.org.